

**NO'PA SKO'SIAEWEY  
MTMO'TAQNEY  
WJIT ETLAQATIMKL AQQ  
WEJI-WTUTE'KEMK.**

## **PITKMEMKEWE'L MILA'TIMKL**



Pitkmemkewe'l Mila'timkl weljewiaql  
ewe'wmumkl. Katu mikwite'te'n telitasikl,  
ta'n tuijw kaqi'sk mila'sin, atelk n'tutes  
aqq ta'n wette'mn.



Koqoey nuta'q kjijitun wjit  
pitkmemkewe'l mila'timkl.

**MAW-KLU'K TELA'TEKEMK**

Pitkmemkewe'l Mila'timkl  
kelu'k papuaqn wejiaq ta'n  
tuijw pasik amaltia'kwen  
aqq jiko'tmn telawtik  
pitkmatimn. Amujpa  
nestmn tel-mila'timk aqq  
mu awsam-pkiji-mila'siwun  
aqq mu kaqa'lsiwun.



Pitkmemkewe'l Mila'timkl kelu'k  
papuaqn wejiaq ta'n tuijw pasik  
amaltia'kwen aqq jiko'tmn telawtik  
pitkmatimn.

# KELU'KL EKINUA'TAQNN FWJIT PITKMEMKEWE'L MILA'TIMKL

## 1. Mukk Wji-apatto'siw

Kis-pmkopitesk ne'wt sqana'qu'j ajiet jel ma' ne'wt wtute'kewun. Kisna kisi-ankmiw wtute'ketes. Siaw-mila'sin aqq ewe'wmn atelk suliewey aqq telawtik ketu' we'wmu'tip na atawtik wji-pijietes.

## 2. Nikanite'te'n ta'n ketu' tli-pkitqatmn aqq telawtik ketu' we'wmn ke'sk mna'q poqji-mila'siwun.

Nikanite'tmumk ta'n ketu' tli-pkitqatmn aqq telawtik ketu' we'wmn ke'sk mna'q poqji-mila'siwun weljewiaq. Wetqlusi aqq wije'we'n ta'n kisutmn. Nikanite'tmumk ta'n telawtik we'wmn nuta'q wije'tiktn ta'n telawtik tepawtukwen.

## 3. Mikwite'te'n Mu Keknue'nuk Teli-Wtute'kemk

Ta'n pasik ketu' tla'teken mu keknue'nuk wtute'ken kisna kskipu'tuen. Sa'se'wa'tun ta'n telawtik ika'teken kisna mawkitmn te's kiwto'qa'sik ma' istua'sinuk teli-wtute'ken. Mu keknue'nuk ta'n telnaq aqq ma' kis-tetapute'mu'n wette'kemk kisna mu wette'kemitt.

## 4. Jijuqaqa jiklpa'si

Ejiklpa'sin aqq kijka' atlasmin kisna alimtma'n kelu'lk wjit ankita'simk aqq jikla'tew teli-awnasatpa'lisk Pitkmemkewe'l Mila'timkl.

## 5. Mukk Maqatuiw Suliewey Ika'teken

We've'n pasik suliewey tepawtukwen we'wmn.

## 6. La'te'n pasik suliewey ta'n telawtik ketu' we'wmn

Nikanite'tmumk ta'n telawtik ketu' we'wmn ke'sk mna'q poqi-mila'siwun apoqnmultew mu awsam-awtik we'wmn. Kaqi-we'wmn ta'n telawtik pekisitu'n, na jiklimtma'.



# **KOQOEY TELIAQ W JIT PITKMEMKEWE'L MILA'TIMKL**

Pikwelk koqoey etek ketlamsitmi'tij wenik wjit pitkmemkewe'l mila'timkl, aqq ta'n tl-mila'sitesk kulaman aji-kaqi'sk kskipu'tuetesk toqo mu telianukl. Na'sik ketloqo pitkmemkewe'l mila'timkl newte' l'pa tele'kl nkutey pilue'l ika'tekemkl, mu eyknuk kisi-tetapute'mn ta'n tl-natal.

## **MU TELIANUK:**

Nqatmn ta'n etl mila'sin pitkmemkewe'l mila'timkl, toqo na'tuen piluey pa'sij kis-mnte'multew ta'n kis-mawte'mn.

## **KETLEWO'QN:**

Mu telianuk kisi-kmutmultew ta'n "kis-mawte'm." Pitkmemkewe'l Mila'timkl ne'o'toql pilue'l mawkiljemkewe'l te's millisecond(1000th of a second). Mawkiljemkewey ta'n ne'a'sik ilutk wtute'ken kisna mu wtute'ken. Wjit te's millisecond na mawkiljemkewe'l pilu'tekl.

## **MU TELIANUK:**

Etek "welnaql" aqq "mu welnanukl" mila'timkl.

## **KETLEWO'QN:**

Mu etenukl "welnaql" aqq "mu welnanukl" mila'timkl. Pitkmemkewe'l mila'timkl ne'o'toql pilue'l mawkiljemkewe'l ta'n ilutk telnamk aqq mu keknue'nuk wtute'ken kisna mu wtute'ken. Kisi-wtute'ketes ewe'wmn mila'timkl tuijw tlta'sites siawi-wtute'ketes katu mu telianuk. Pasik na tel-tetapua'sik. Ta'n telnaqsip pitkmemkewe'y mila'timk ke'sk mu epa'siwunek mu wije'tinuk ta'n tlnamew.

## **MU TELIANUK:**

Etek kis-tetapute'mn ta'n tlnamew pitkmemkewey mila'timk kulaman wtute'ketes.

## **KETLEWO'QN:**

Mu etenukl kis-tetapute'mn kisna nikani-kjijitun ta'n tlnamew pitkmemkewey mila'timk. Aqq mu etenukl keknue'k ta'n telamkitekl wjit wette'kemk kisna mu wette'kemitt. Mu keknue'nuk ta'n tel-ne'ita'ql mawkiljemkewe'l. Jel tlia'j telaptmn telamkitekl wije'tultikl, mu na telianuk. Tel-tetaputeskl na pasik ke'sk etl mila'sin.

## **MU TELIANUK:**

Pitkmemkewey mila'timk pqoji-wtute'ketew mita sa'q mna'q wette'kenuk.

## **KETLEWO'QN:**

Mu l'pa etenuk pitkmemkewey mila'timk klapis pqoji-wtute'ken. Tlia' pitkmemkewey mila'timk mna'q sa'q wette'kenuk, jiptuk ma' wtute'kenuk elam kisna kisi-wisqi-wtute'ketew. Mu eyknuk l'pa tetapute'mn ta'n tlinatew pitkmemkewey mila'timk.

## **MU TELIANUK:**

"Suel wette'ken" ekinua'task pitkmemkewey mila'timk ketu' wlnaq.

## **KETLEWO'QN:**

Mu keknue'nuk aqq tepkistekl ta'n tel-kiwto'qa'sik pitkmemkewe'l mila'timkl. Mu keknue'nuk 'Suel wette'kemk' pmukwalkutew wette'kemk. Mu eyknuk kis-tetapute'mn ta'n tlinatew.

## **TA'N PITKMEMKEWE'L MILA'TIMKL TEL-LUKWEK**

Pitkmemkewe'l Mila'timkl na electronic gaming machine-l. Kompu'tl pema'toql Pitkmemkewe'l Mila'timkl aqq ne'o'o'toql pilue'l mawkiljemkewe'l te's millisecond. Ula mawkiljemkewe'l ilutkl wtute'ken kisna mu wtute'ken. Teluek ta'n pasik tele'k –lia' atel poqji-mila'sin kisna pekiji-mila'sin – ta'n tela'sik ma' kis-tetapute'mun ta'n tlnatal.

## **TATUJI-TETAPUE'K WTUTE'KEN?**

Nopa Skosia Pitkmemkewe'l Mila'timkl telitasikl ikmuetun 93% mi'soqo 95%, wije'ti'tij ta'n teken mila'sin. Mu keknue'nuk telawtik wen wtute'tew tla'sin ta'n tuijw ki'l etl mila'sin. Mu keknue'nukl aqq mu kis-tetapute'mu'n'l ta'n tla'sital. Mikwite'ten ta'n tuijw pekije'k i'mila'timkl Pitkmemkewe'l Mila'timkl atawtik wen n'tutew aqq ta'n telawtik wtute'tew.



Ula wi'katikn kis-wikasik wjit:

**NO'PA SKO'SIAEWEY  
MTMO'TAQNEY  
WJIT ETLAQATIMKL AQQ  
WEJI-WTUTE'KEMK.**

**gamingns.ca**



Apoqnmasuti wjit Ika'tekemk etekl kitk mattaqa'tekemk aqq kompu'tl apoqnmuksinew No'pa Sko'sia wenik aqq wiktawaq ta'n lukwaqna'lukwi'tij ika'tekemk. Mu keska'tuenuk apoqnmasuti aqq mu se'sa'sinuk aqq etek apoqnmasuti newtikiskik aqq newtitpa'q, l'uiknek na'kwekl te's ekntie'wimkewey.

Mattaqa'te'n 1-888-347-8888 kisna 711 [TTY] kisna kwile'n kompu'tl-iktuk  
- [gamblingsupportnetwork.ca](http://gamblingsupportnetwork.ca)

Me' nuta'n kinua'taqn kwile'n kompu'tl-iktuk  
**YOURBESTBET.ca**